



---

Број/Број: 03/6-50-1-12-4/11

Сарајево/Sarajevo, 01.11.2011. godine

Na osnovu člana 3. stav (1) Odluke o osnivanju Vijeća nacionalnih manjina Bosne i Hercegovine ( "Službeni glasnik BiH", br. 38/06, 93/08 i 53/09), Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine objavljuje

## **JAVNI POZIV**

### **ZA KANDIDIRANJE U ČLANSTVO VIJEĆA NACIONALNIH MANJINA BOSNE I HERCEGOVINE**

#### **I.**

Pozivaju se udruženja nacionalnih manjina ili druge nevladine organizacije (NVO) koje okupljaju nacionalne manjine u Bosni i Hercegovini da, shodno članu 3. stav 2. Zakona o zaštiti prava pripadnika nacionalnih manjina („Službeni glasnik BiH“, br. 12/03, 76/05 i 93/08), i to: Albance, Crnogorce, Čehe, Italijane, Jevreje, Mađare, Makedonce, Nijemce, Poljake, Rome, Rumune, Ruse, Rusine, Slovake, Slovence, Turke, Ukrajince i druge koji ispunjavaju uslove iz stava 1. ovog člana, učestvuju u kandidiranju svog člana u Vijeće nacionalnih manjina BiH.

Nacionalna manjina je, u skladu s članom 3. stav (1) Zakona o zaštiti prava pripadnika nacionalnih manjina, dio stanovništva - državljana BiH koji ne pripadaju nijednom od tri konstitutivna naroda, a čine je ljudi istog ili sličnog etničkog porijekla, iste ili slične tradicije, običaja, vjerovanja, jezika, kulture i duhovnosti i bliske ili srodne historije i drugih obilježja.

#### **II.**

U skladu s članom 3. Odluke o osnivanju Vijeća nacionalnih manjina BiH, Parlamentarna skupština Bosne i Hercegovine svojom odlukom imenuje članove Vijeća, na prijedlog Zajedničke komisije za ljudska prava, prava djeteta, mlade, imigraciju, izbjeglice, azil i etiku.

### III.

Vijeće nacionalnih manjina BiH daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini. Vijeće može delegirati stručnjake za rad ustavnopravnih komisija i Zajedničke komisije, kada one raspravljaju o pravima, položaju i interesima nacionalnih manjina. Delegirani stručnjaci mogu biti pripadnici nacionalnih manjina, ali i nezavisni stručnjaci i pripadnici konstitutivnih naroda.

### IV.

U skladu s članom 2. Odluke o osnivanju Vijeća nacionalnih manjina BiH, Vijeće čini po jedan predstavnik svake nacionalne manjine iz člana 3. stav (2) Zakona o zaštiti prava pripadnika nacionalnih manjina u BiH („Službeni glasnik BiH“, br. 12/03, 76/05 i 93/08).

Mandat članova Vijeća traje četiri godine i on prati mandat izabranih članova Parlamentarne skupštine BiH.

Pozvani iz tačke I. ovog javnog poziva svoj prijedlog za člana Vijeća nacionalnih manjina BiH treba da dostave Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH, na adresu: Trg BiH br.1., 71000 Sarajevo.

### V.

Uz prijedlog za člana Vijeća nacionalnih manjina BiH, potrebno je dostaviti i rješenje o registraciji udruženja nacionalnih manjina ili drugih nevladinih organizacija (NVO) koje okupljaju nacionalne manjine u Bosni i Hercegovini.

### VI.

Javni poziv otvoren je 30 dana od dana objavljivanja u dnevnim novinama ("Dnevni avaz", "Oslobođenje", "Nezavisne novine", "Glas Srpske", "Blic", "Dnevni list" i "Večernje novine"), te na veb-stranici Parlamentarne skupštine BiH. U slučaju neistovremenog objavljivanja Javnog poziva u dnevnim novinama i na veb-stranici Parlamentarne skupštine BiH, početak roka za dostavljanje prijave računat će se od posljednjeg objavljivanja Javnog poziva.

Nepotpune i neblagovremene prijave neće se razmatrati.

Za sve informacije zainteresirani se mogu obratiti sekretaru Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH Emini Jahić na broj telefona 033/286-028 ili na e-mail: [emina.jahic@parlament.ba](mailto:emina.jahic@parlament.ba).

Predsjedavajuća Zajedničke komisije

Aleksandra Pandurević